



# ხაშურის მოამბე



№3

16 ივნისი, სამშაბათი, 2015 წელი

## ხაშურის მუნიციპალიტეტის საკრებულოს სესია

11 ივნისს, ადმინისტრაციული სახლის სხდომათა დარბაზში, გაიმართა ხაშურის მუნიციპალიტეტის საკრებულოს სესია. სესიას უძღვებოდა საკრებულოს თავმჯდომარე ვაჟა შუბითიძე.

სესიაზე დეპუტატებმა მოისმინეს შიდა ქართლის სატყეო სამმართველოს უფროსის კახა გაზდელიანისა და გაერთიანებული წყლის კომპანიის ხაშურის ფილიალის წარმომადგენლის ლევან ქურდაძის ინფორმაციები მათ სამსახურებში მიმდინარე პროცესებზე.

სესიაზე საკრებულოს წევრებმა ცვლილებები შეიტანეს „ხაშურის მუნიციპალიტეტის 2015 წლის ბიუჯეტის დამტკიცების შესახებ“ 2014 წლის 11 დეკემბრის №74 დადგენილებაში, რაც გამოწვეული იყო შესაბამისი ფაქტორით. ცვლილება განხორციელდება აგრეთვე საკრებულოს 2014 წლის 19 ნოემბრის №166 განკარგულებაში, რომელიც სახელმწიფო შესყიდვების გეგმის დამტკიცებას ეხება.

როგორც გადაწყდა, ცნობილი ფესტივალის – „არტგენის“ ერთ-ერთი მასპინძელი წელს სურამიც იქნება, რაც მართლაც უმნიშვნელოვანესი მოვლენაა ჩვენი მუნიციპალიტეტის კულტურულ ცხოვრებაში. ფესტივალი თანადაფინანსებით ხორციელდება და სესიამ დაამტკიცა მისთვის გამოსაყოფი ფინანსები.

## საშინელი ტრაგედია თბილისში



დაღუპული, დაშავებული და დაკარგული ადამიანები, ვერეს ხეობაში განადგურებული ინფრასტრუქტურა, დატბორილი სახლები, წადებული ავტომობილები და განადგურებული ზოოპარკი.

13 ივნისს, ღამეს, დედაქალაქში ხუთ საათიანი წვიმის შედეგად დატრიალებული ტრაგედია თბილისს და საქართველოს დიდხანს ემახსოვრება.

ხაშურის მუნიციპალიტეტის გამგეობა, ხაშურის მუნიციპალიტეტის საკრებულო, დრმა მწუხარებას გამოთქვამენ მომხდარის გამო და თანაუგრძნობენ განსვენებულთა ოჯახებს. გაზეთი „ხაშურის მოამბე“ უერთდება ამ სამძიმარს.

## „ხაშურსერვისი“ - უკეთესი ხაშურისათვის

დიდის გათენება უნდა გიხაროდეს, იმის შერძენება, რომ ამ ქვეყნის შვილი ხარ, რომ ქალაქი, რომელშიც ცხოვრობ, ის ადგილია,



სადაც სულიერ და ფიზიკურ კომფორტს განიცდი, რომ შენი ფანჯრების უკან მზით გამოთბარი, სუფთა, წვიმის გუბეებისგან თავისუფალი, განათებული ქალაქი გელოდება.

დაზიანებული გზის საფარები, ჩაბნელებული და ნაგავსაყრელად ქცეული ქუჩები- „ხაშურსერვისი“ ცდილობს ეს პრობლემა ხაშურის ისტორიის უახლოეს წარსულში დატოვოს. დიდია მოსახლეობის კმაყოფილება. სუფთა და უსაფრთხო გარემო, ხვალისდელი დღის ოპტიმიზმს ქმნის. შედეგი ნამდვილად თვალსაჩინოა, თუ რა სამუშაოებს ასრულებს „ხაშურსერვისი“, უკეთესი ხაშურისათვის, უფრო კონკრეტულად ამ სამსახურის უფროსი ბ.ნ-ი ნუკრი ცხოვრებად ისაუბრებს:

### ნუკრი ცხოვრება:

-მეორე წელია, რაც ა(ა)იპ-ი „ხაშურსერვისი“, ქალაქ ხაშურსა და 54 სოფელში შიდა გზების, გარე განათებების, დასუფთავების და საყოფაცხოვრო ნარჩენების გატანით სამუშაოებს აწარმოებს. ჩვენ ვემსახურებით დაბა სურამსაც. იმდენად მასშტაბური იყო ეს პრობლემები, ხაშურის მუნიციპალიტეტმა გადაწყვიტა, შეექმნა მსგავსი ტიპის სამსახური 1 000 000 ლარიანი ბიუჯეტით. ამ ორი წლის განმავლობაში, ჩვენმა 150 კაციანმა სამსახურმა, ბევრი კარგი საქმის გაკეთება და პრობლემის გადაწყვეტა შეძლო. ხაშურის ქუჩების 80% იკვება, ხდება გზების დაგრიდებრა, გარე განათებების მოწესრიგება.

-ნამდვილად შესამჩნევია ქუჩებში სისუფთავე, სოფლებშიც იკლო ნაგავსაყრელების რაოდენობამ. როგორ აწესრიგებთ და უმკლავდებით ამ, არც ისე მარტივ პრობლემას?

-გეთანხმებით, დასუფთავება ერთ-ერთი სერიოზული გამოწვევაა ჩვენთვის.

(გაგრძელება II გვერდზე)



# „ხაშურსერვისი“ - უკეთესი ხაშურისათვის

(დასასრული)

გვეყავს 3 სპეციალური მანქანა, 7 დაქირავებული და 2 - ჩვენი, რითიც ხდება ნაგავსაყრელებიდან და ბუნკერებიდან საყოფაცხოვრებო ნარჩენების გატანა სპეციალურად მოწყობილ ნაგავსაყრელზე, რომელიც მტკვრის სანაპიროზე, თავვეთის მიმდებარე ტერიტორიაზეა და რაც უსაფრთხოა მოსახლეობისთვის, რადგან შემდგომ ხდება მისი დამარხვა. ყოველდღიურად იგვება ცენტრალური ქუჩები, ჩვენი 37 მეზობლის მიერ. გვეყავს ბუნკერების სარეცხი მანქანა, რაც საშუალებას გვაძლევს, დაიცვათ სანიტარული ნორმები. საკურორტო სეზონთან დაკავშირებით, დაბა სურამში გაეზარდეთ მუშახელისა და მანქანების რაოდენობის ინტენსივობა. ჩვენი მანქანები ემსახურებიან სოფლებსაც, იქ, სადაც შეიძლება ხელი არ მიგვიწვდება და არის დარჩენილი ნაგავსაყრელი, თუ იქნება მოსახლეობის სურვილი და თანამონაწილეობა, შეგვიძლია, დავეხმაროთ მუშახელითა და ტექნიკით.

**-ვიცი, რომ თქვენი სამსახურის კომპეტენციას არ წარმოადგენს მდინარეების კალაპოტების დასუფთავება, თუმცა ერთჯერადი აქცია მაინც განახორციელეთ ამ კუთხით...**

-დიახ, ჩვენ გვქონდა საპილოტე პროგრამა, რის საფუძველზეც დავასუფთავეთ მდინარე სურამულას კალაპოტი, გავეიტანეთ მოსახლეობის



მიერ მდინარეში ჩაყრილი ნაგავი. ეს მხოლოდ ერთჯერადი აქცია იყო, გარემოს კი ყოველდღიური გაფრთხილება და მოვლა ჭირდება. სკოლის მოსწავლეებთან ერთად დავასუფთავეთ სურამის ტყე-პარკი.

**-რაც შეეხება ყველაზე მასშტაბურ პრობლემას, გზების საფარის არასასაბრბიელო მდგომარეობა, რაც დიდ დისკომფორტს უქმნის მოსახლეობას, რას აკეთებთ „ხაშურსერვისი“ ამ პრობლემების მოსაგვარებლად?**

-ჩვენი სამსახურის კომპეტენციაში არ შედის გზებზე ასფალტის საფარის დაგება, ჩვენ მხოლოდ დაზიანებული მონაკვეთების დაგრეიდერებას, შებულის შეტანას და მოსწორებას ვახორციელებთ. ჩატარებული სამუშაოებით მოსახლეობის დიდი ნაწილი კმაყოფილებას გამოთქვამს. თუმცა პროცესი არ დასრულებულა და დღემდე მიმდინარეობს. „ხაშურსერვისი“-მა ცხინვალის, ნინოშვილის, თუმანიშვილის, 26 მაისის, მარჯანიშვილის, ბაქოს, შანიძის, დადიანის, გორგასლის, თამარ მეფის, 9 აპრილის და კიდევ ბევრი ქუჩის დაგრეიდერება თუ მოსწორება შეძლო. ეს არ ეხება მხოლოდ ქალაქის ქუჩებს, სოფლებშიც ვაწარმოებთ მსგავსი

ტიპის სამუშაოებს, რადგან პრობლემა ერთნაირად მწვავედ დგას ქალაქისა და სოფლის მოსახლეობისათვის.

**-ძირითადად, რა ტიპის სამუშაოებს ახორციელებთ სოფლებში, რისი საჭიროება აქვს უფრო მეტად სოფლის მოსახლეობას?**

-აქაც გზების, სანიაღვრე და წყალგამტარი არხების პრობლემა დგას. მოსახლეობის დახმარებით და მონაწილეობით ბევრი კარგი საქმის კეთებას ვახერხებთ. ხდება შიდა გზების გასწორება. მაგალითად, ქვემო ოსიაურში, საავტომობილო გზის პირას, მოსწორდა ნაგავსაყრელი, ახალი სასაფლაოს მისასვლელი ჩიხი, განხორციელდა ელდებოსთან ნაგავსაყრელის მოჭრა-მოსწორება, გაიჭრა წყალგამტარი არხი, მოსწორდა ოსიაურიდან ახალსოფლისკენ მიმავალი გზა. მსგავსი ტიპის სამუშაოები ჩატარდა სოფელ ბროლოსანში, ჩორჩანაში, წაღვლში, ვაყაში, აძვისში, ცხრაშუხაში და სხვა მრავალ სოფელში, სადაც საჭიროების მიხედვით ჩატარდა სამუშაოები-დაგრეიდერდა გზები, აღდგა სანიაღვრე და წყალგამტარი არხი, ნაგავსაყრელებიდან მოხდა ნაგვის გატანა, სასაფლაოების მიმდებარე ტერიტორიების გასუფთავება. ამჟამად, ჩვენი ტექნიკა მუშაობს მიწობის შიდა გზების რეაბილიტაციაზე, ხვალეიდან ვიწყებთ სამუშაოებს სოფელი ფლევის შიდა გზების ასაჭრელად და მოსასწორებლად.

**-თქვენი გაზეთის საშუალებით, მინდა, მოსახლეობას თხოვნით მივმართო: გამოვიჩინოთ გულისხმიერება და კეთილი ნება,**



**შევიწარხნოთ ის, რასაც ჩვენი სამსახური მცირე რიცხოვანი თანამშრომლების საშუალებით აკეთებს, იმისთვის, რომ ერთად შევძლოთ ცხოვრება დასუფთავებულ, მოვლილ და განათებულ ქალაქში.**

„ხაშურსერვისი“ თავის მხრივ, ტრანსპორტითა და მუშახელით დახმარებას პირდება იმ ადამიანებს, ვისაც სურვილი ექნებათ, საკუთარი სოფელი ან ქუჩა საყოფაცხოვრებო ნარჩენებისგან გაასუფთაოს და გაათავისუფლოს.

## ეგებ „ჩვენმა“ ბანკებმა ამაზეც იფიქრონ

ბანკები რომ, ზოგადად, ნებისმიერი ქვეყნის ეკონომიკური წინსვლის, ფინანსური სტაბილურობის, ბიზნესის აღორძინების თუ წარმატების ერთგვარი გარანტიაა, არაფერს დაელოდები. რამდენად შეესაბამება ეს „აქსიომა“ ქართულ ბანკებს, ეს სხვა თემაა და, მოდით, ამაზე სხვა დროს ვისაუბროთ. დღეს კი სწორედ ბანკებთან მიმართებაში, მაგრამ სულ სხვა „თეზისი“ მინდა, „გავშალო“.

საქართველოში დღეს რის სიმრავლესაც არ ვუჩივით, ეს ბანკებია.



არც ჩვენი ქალაქია გამონაკლისი და მიკროსაფინანსო ორგანიზაციებთან ერთად მათი რიცხვი ოდნავ მეტიც კია ხაშურისათვის. თითოეული მათგანი უმსვილესი ფინანსური კაპიტალით იწონებს თავს. ამ ბანკებს (უფრო სწორად მათ ფილიალებს) ხაშურში საკმაოდ წარმატებული ბიზნესი აქვთ და ათასობით ხაშურელ მეანბრებს ემსახურებიან. ახლა კი მთავარი სათქმელი: ამ ორიოდ წლის წინ უკრაინაში, ჩვენთან

დამეგობრებულ ქალაქ ნოვოგრად-ვოლინსკში ვიმყოფებოდი. ამ პატარა, მაგრამ ძალზე კოპია ქალაქს მრავალი სკვერი თუ პატარა პარკი ამშვენებს. აბსოლუტურად ყველა მათგანში დგას სარეკლამო ბანერი, რომელიც იუწყება, რომ სკვერის (პარკის) მოვლა-პატრონობაზე ზრუნავს რომელიმე კონკრეტული ბანკი. როდესაც ქალაქის ხელმძღვანელებს ვკითხე, როგორ ახერხებენ ამას, რომ ქალაქის ინფრასტრუქტურის მოწესრიგებაში ბანკებიც მონაწილეობენ,

მათ გაუკვირდათ და გვითხრეს, რომ ამის „მოხერხებაზე“ არც წვალბოენ და ბანკები თვითონ, საკუთარი ინიციატივით იღებენ თავის თავზე ამ საქმეს. მოგებული ყველა რჩება – ბანკიც (რეკლამა), ქალაქიც და მოსახლეობაც.

ახლა კი რიტორიკული კითხვა: როდისმე ვინმეს გინახავთ ჩვენთან რომელიმე ბანკს რამე გააკეთებინოს ქალაქისათვის? ტყუილად ნუ დაიღლით თავს ფიქრისგან. მსგავსი არასოდეს მომხდარა. პირველი „გამონათება“ მხოლოდ წელს მოხდა, როდესაც „ლიბერთი ბანკმა“ ერთ-ერთი სახეშეცვლილი ქუჩის ნუმერაციაში მიიღო მონაწილეობა. არადა, რომელიმე სკვერზე პასუხისმგებლობა სულ რამდენიმე ასეული ლარი შეიძლება დაუჯდეს ბანკს, რაც მათთვის ღირსისმომგვრელი თანხაა. შეიძლება ვინმე „გადარეულმა“ ოპონენტმა ეს ყველაფერი ბიზნესზე ზეწოლაში ჩამითვალოს. დემერტმანი, აბსოლუტურად არ მაქვს ამის ფიქრი. პირიქით, ძალიან მინდა ეს ბანკები უფრო გაძლიერდნენ და მეტი მოგება ნახონ, მაგრამ ვითომ ამ ქალაქზე ფიქრი მხოლოდ გამგეობის და საკრებულოს საქმეა? მსხვილი ბიზნესი მსოფლიოს ყველა ქვეყანაშია ჩართული ინფრასტრუქტურულ პროექტებში და რატომაა, რომ მხოლოდ ჩვენ ვართ გამონაკლისი? ჩვენთან არსებულმა ბანკებმაც იფიქრონ ამაზე და იმ ხალხს, ეგებ ვისგანაც სოლიდურ მოგებას იღებენ, სწორედ ამ მცირე ინფრასტრუქტურულ პროექტებში მონაწილეობით გადაუხადონ მადლობა. გაღამახებული ქალაქი კი მათთვისაც სასიამოვნო იქნება და ჩვენთვისაც.



**გ. გოგოლაძე**



სოფლის პირველი რიგის სოციალურ-ეკონომიკური პროექტების ნუსხა

N	ადმინისტრაციული ერთეული	სოფელი	თანხა	პროექტის დასახელება	
1		დიდი ბეკამი	7490	წყლის სისტემის რეაბილიტაცია	
2		პატარა ბეკამი	9706	სანიაღვრე არხის მოწყობა	
3		ურთხვა	5000	სკვერის კეთილმოწყობა და წყაროს აშენება	
4		ურთხვა	2979	სკვერისათვის ატრაქციონების შესყიდვა	
5		ზეკოტა	8169	არსებული წყაროს კეთილმოწყობა	
6		ბიჯნისი	9242	ატრაქციონების შესყიდვა	
7		დ.სურამი	5000	დარჩენილ უბნებში გარე განათების მოწყობა	
8		დ.სურამი	5000	ტაბიძის ქუჩაზე საკალათბურთო მოედანზე ასფალტის საფარის მოწყობა	
9		დ.სურამი	9000	ცენტრალურ სკვერში საკანალიზაციო ქსელის მოწყობა	
10		დ.სურამი	81048	სანიაღვრე არხების მოწყობა	
11		დ.სურამი	7000	ატრაქციონების შესყიდვა	
12		დ.სურამი	20000	ჩუმათელეთის დასახლებაში ხიდის მოწყობა	
13	ხცისი	ხცისი	7000	გარე განათების დასრულება	
14		ხცისი	15840	საფეხბურთო მოედნის მოწყობა	
15		მიწობი	9385	საბავშვო ბაღის კეთილმოწყობა	
16		კრისხევი	5096	სასმელი წყლის მაგისტრალის მშენებლობის დასრულება	
17	წაღვლი	წაღვლი	5000	მოსაცდელის აშენება	
18		წაღვლი	12055	გარე განათების მოწყობა	
19		კლდისწყარო	500	სკვერის შემოღობვის დამთავრება	
20		კლდისწყარო	2000	გარე განათების მოწყობა	
21		კლდისწყარო	3835	ატრაქციონების შესყიდვა	
22		ქვემო ბროლოსანი	4335	გარე განათების მოწყობა	
23		ქვემო ბროლოსანი	1500	სარიტუალო დარბაზისთვის მასალების შესყიდვა	
24		ზემო ბროლოსანი	5501	სარიტუალო დარბაზის კეთილმოწყობა	
25				სასმელი წყაროების და სათავე ნაგებობის გაკეთება	
26			ჩორჩანა	4953	წიფიერის მოხრეშვა
27			ტიტვინისწყარო	3000	გზის მოხრეშვა
28			ტიტვინისწყარო	1310	წყაროს მოსაწყობად მასალების შესყიდვა
29		ყობი	4131	სასმელი წყლის სისტემის მოწყობა	
30	წრომი	წრომი	4800	გარე განათების მოწყობა	
31		წრომი	13000	სასაფლაოს შემოღობვა	
32		ახალშენი	3900	გარე განათების მოწყობა	
33		ახალშენი	3172	მოსაცდელის აშენება	
34		ნადარბაზევი	1500	გარე განათების მოწყობა	
35		ნადარბაზევი	2619	წყლის სისტემის მოწყობა	
36		იმერლიანთკარი			
37		დიდი ხავლეტი	2944	გზის რეაბილიტაცია და სანიაღვრე არხის მოწყობა	
38		დიდი ყელეთი	3200	გარე განათების მოწყობა	
39		დიდი ყელეთი	1360	სასმელი წყლის სისტემის მოწყობა	
40		პატარა ყელეთი	4500	წყლის სათავე ნაგებობის მოწყობა	
41	ხალები	დიდი ხალები	3000	სოფლის სასაფლაოსთან მისასვლელ გზაზე სანიაღვრე არხის მოწყობა	
42		დიდი ხალები	1548	გარე განათების მოწყობა	
43		პატარა ხალები	4060	ხაშური-პატარა ხალების დამაკავშირებელ გზაზე სანიაღვრე არხის მოწყობა	
44		ღართა	4346	სასმელი წყლის სათავე ნაგებობის და სასმელი წყლის სისტემის მოწყობა	
45		სარტყელა	4203	სასმელი წყლის სათავე ნაგებობის და წყლის სისტემის რეაბილიტაცია	
46		ღვრია წყალი	3000	ხაშური-ღვრიაწყლის დამაკავშირებელ გზაზე არსებულ ღელეში სანიაღვრე არხის მოწყობა	
47		ღვრია წყალი	1346	გარე განათების მოწყობა	
48		ალექსანდრეს წყარო	4048	ხაშური ალ.წყაროს დამაკავშირებელ გზაზე სანიაღვრის მოწყობა	
49	ქვიშხეთი	ქვიშხეთი			
50		ბეღლეთი			
51		ტეზერი	83158	საბავშვო ბაღის რეკონსტრუქცია/რეაბილიტაცია	
52		ყიფიანთუბანი			
53		ტაშისკარი			
54		მონასტერი	6300	სამშენებლო მასალების შესყიდვა	
55		ბულბულისციხე	1500	სარიტუალო დარბაზისთვის მასალების შესყიდვა	
56		ბულბულისციხე	3406	წყლის სისტემის რეაბილიტაცია	
57		სათავე	7919	წყლის სისტემის რეაბილიტაციისთვის მასალების შესყიდვა	
58		სარმანიშვილისკარი	5823	გარე განათების მოწყობა	
59		სავანისუბანი	7772	გარე განათების მოწყობა	
60		სავანისუბანი	1100	სანიაღვრე არხის მოწყობა	
61		რუსაანთუბანი	5394	სარიტუალო დარბაზის კეთილმოწყობა	
62		ცხრამუხა	9000	გარე განათების მოწყობა	
63	ცხრამუხა			სოფლის ცენტრში სკვერის მოსაპირკეთებელი სამუშაოების და კოშკის შეკეთებითი სამუშაოების ჩატარება	
64		ცხრამუხა	12500	ომში დაღუპულთა მემორიალის მიმდებარე ტერიტორიის კეთილმოწყობის სამუშაოების დამთავრება და სასაფლაოს მესერის შეკეთება	
65		ცხრამუხა	4000	სასმელი წყლის სისტემის მოსაწყობად მასალების შესყიდვა	
66		ცხრამუხა	17000	დასასვენებელი ბაღის მოწყობა	
67		თაგვეთი	7100	დაკიდული ხიდის შეკეთება	
68		თაგვეთი	3000		
69		ქაშვეთი			
70		კოდისწყარო	10859	გზის შეკეთება	
71		დამჩხეულა	4100	გზის მოხრეშვა და სანიაღვრეების გაკეთება	
72		დამჩხეულა	400	პლასტმასის ავზების შესყიდვა	

73	ოსიაური	ზემო ოსიაური	13000	მინი სტადიონის საფარის დაგება	
74		ზემო ოსიაური	6000	სასაფლაოს გალავნის დასრულება	
75		ზემო ოსიაური	7000	სკვერის მშენებლობის დასრულება	
76		ქვემო ოსიაური	5000	მოსაცდელის აშენება	
77		ქვემო ოსიაური	10640	სასაფლაოს შემოღობვის დასრულება	
78		ქვემო ოსიაური	5418	საჭიდაო მოედნის რეაბილიტაცია	
79		ახალსოფელი	3180	წყლის მიღების შესყიდვა	
80		ახალსოფელი	3000	ატრაქციონების შესყიდვა	
81		ფლევი	დიდი ფლევი	15637	გარე განათების მოწყობა
82			პატარა ფლევი	8741	გარე განათების მოწყობა
83	ნაცარგორა		8396	გარე განათების მოწყობა	
84	ტკოცა		16138	სოფლის ამბულატორიის მშენებლობის დასრულება	
85	ცოცხნარა	ქემფერი	13302	გარე განათების მოწყობა	
86		ცოცხნარა	9313	გარე განათების მოწყობა	
87		წაბლოვანა	5168	სარიტუალო დარბაზის მშენებლობის გაგრძელება	
88		ცედანი	5311	წყლის რეზერვუარის მოწყობა და დაქსელვა	
89		ოძისი	1500	წყლის სათავე ნაგებობის მოწყობა	
90		ოძისი	3251	გარე განათების მოწყობა	
91		ცივწყარო	2000	არსებული წყაროს რეკონსტრუქცია	
92		ცივწყარო	2774	წყლის სათავე ნაგებობის მოწყობა	
93		ალი	ალი	20000	სანიაღვრე არხების მოწყობა
94			ალი	8919	წყაროს რეაბილიტაცია და სასმელი წყლის დაზიანებული მაგისტრალის ამოცვლა
95	ბრილი		18521	სასმელი წყლის სათავე ნაგებობის შეკეთება	
96	ახალუბანი		5037	სასმელი წყლის სათავეს შემოღობვა და მაგისტრალის შეკეთება	
97	დუმაცხოვი		6204	წყაროს რეაბილიტაცია და სასმელი წყლის დაზიანებული მაგისტრალის ამოცვლა	
98	ზემო აძვისი		5608	სარიტუალო დარბაზის გადახურვა	
99	კლდისწყარო		4453	არტეზიული ჭის და მაგისტრალის მოწყობა	
100	ცხეთიჯვარი		8217	სასმელი წყლის სისტემის მოწყობა	
101	უწლევი		4298	გარე განათების მოწყობა	
102	ნაბახტევი		15000	სამანქანო ხიდის მოწყობა	
103	ნაბახტევი		3842	გარე განათების მოწყობა	
104	ქინძათი		9587	სასაფლაოს შემოღობვა	
105	გომი	გომი	27573	ძველი ადმინისტრაციული შენობის რეაბილიტაცია სპორტულ-კულტურულ ცენტრის მოსაწყობად	
106		ხიდის ყური	4977	ატრაქციონების შესყიდვა	
107		ვაყა	26441	გარე განათების მოწყობა	
108		ქვემო აძვისი	5418	სანიაღვრე არხის მოწყობა	
109		დიდი სატივე	8991	გარე განათების მოწყობა	
110		პატარა სატივე	4917	სასმელი წყლის სათავე ნაგებობის მოწყობა	
111		აგარები	5835	გარე განათების მოწყობა	

სულ 855 226 ლარი



# ჩვენნი თანამემამულენი

წიგნი, რომელიც მომზადებულია გამოსაცემად, შედგება ხელნაწერი თითქმის 600 გვერდისაგან და მოიცავს 11 თავს. ნაშრომი ნათელს პეფენს საქართველოში გზების, ხიდების, გვირაბებისა და სხვადასხვა სახის ხელოვნურ საინჟინრო ნაგებობათა მშენებლობის ისტორიულ წარსულში შუა საუკუნეებიდან მოყოლებული ვიდრე XXI საუკუნის დასაწყისამდე.

მკითხველი, ვფიქრობ, ბევრ საინტერესოს ამოიკითხავს საქართველოში ურთულეს ისეთი კომუნიკაციების აგების შესახებ, როგორცაა სურამის გვირაბის მშენებლობა XIX საუკუნის მიწურულს, რომლის სიგრძე თითქმის 4 კილომეტრია (3998 მეტრი) და კაპიტალური, ხანგამძლე ხიდების აგება XX საუკუნის დასაწყისში, როგორცაა, მაგალითად, მრავალმადიანი რკინა-ბეტონის ხიდი მდინარე ენგურზე სიგრძით 600 მეტრისა.

სურამის გვირაბის მშენებლობას უძღვებოდა პოლონელი ინჟინერი ფერდინანდ რიქვესკი (1890-1896 წწ). ენგურის ხიდის მშენებლობას კი ხელმძღვანელობდა ხიდების მშენებელი, ცნობილი ინჟინერი გერასიმე ბერია. მოვლენებს ცოტა წინ გაუწვდნენ და მკითხველს აქვე შევახსენებ, რომ ბატონმა გერასიმემ რამდენიმე წელს იმდღეაა საშურში და ააგო ყოფილ საბჭოთა კავშირში პირველი უნიკალური, ეგრეთწოდებული, ხიდი-მილი მდინარე სურამულაზე სოფელ ჩუმათელეთთან რიკოთის გვირაბის დასაწყისამდე.

თხრობამ გამიტაცა და მთავარ სათქმელს ცოტათი ავცდი. მინდოდა მეთქვა, რომ მომავალი წიგნი, რომელიც მოიცავს 11 თავს, მე-7 და მე-8 თავებში მოგვითხრობს საშურელ გზათა მშენებელთა და ცნობილ საშურელ ინჟინერებზე, აგრეთვე ინჟინერთა იმ კატეგორიაზე, რომელნიც უშუალოდ ცხოვრობდნენ, მოღვაწეობდნენ და ახლო კავშირში იყვნენ ჩვენს რაიონთან. ბევრი მათგანი თუ კარგახანია გამოაკლდა ჩვენს რიგებს და დატოვეს დაუვიწყარი სახელი, ბევრი კი დღესაც წარმატებით მოღვაწეობს, აღწევენ უნიკალურ შედეგებს საინჟინრო საქმიანობაში და სახელს უთქვამენ ჩვენს რაიონს.

ასეთი ნაშრომის გამოცემა პირველი მცდელობაა ჩვენი რაიონის მასშტაბით, ამიტომ წიგნში შესაძლებელია, აღმოჩნდეს სხვადასხვა სახის ხარვეზი და ლაფსუსი, რომელიც, რა თქმა უნდა, მომავალში უნდა შესწორდეს. მივმართავ საშურელ მკითხველს დიდი თხოვნით - თუ თქვენ აღმოაჩენთ, რომ შემთხვევით გამოტოვებულია რომელიმე ცნობილი მოღვაწე, მშენებელი ინჟინერი, გთხოვთ, მომავალ მათი მოკლე დოსიე ფოტოსურათთან ერთად და წიგნის შესაბამის თავში შეტანილი იქნება მომდევნო გამოცემაში.

ახლა კი ძალზე მოკლედ, ზოგიერთ მათგანზე.

ინჟინერი **მიხეილ ბითაძე**, საშურის მკვიდრი, საინჟინრო ნაგებობათა მშენებლობის ბრწყინვალე სპეციალისტი დაბადებული 1903 წელს მოღვაწეობდა თბილისში სხვადასხვა საპროექტო ორგანიზაციებში, აგრეთვე საავტომობილო გზების სისტემაში. ბოლო წლებში სამშენებლო საქმიანობას ეწეოდა კრასნოიარსკის მხარის ქალაქ ნორილსკში. 1966 წელს

მას მიენიჭა ლენინური პრემია მუდმივად გაყინულ გრუნტებზე ნაგებობათა



საინჟინრო კონსტრუქციების დამუშავებისა და დანერგვისათვის, არის მრავალი ჯილდოს მფლობელი. ცნობილია, რომ მისი

ბიუსტი ამშვენებს ქალაქ ნორილსკს, რომელიც სიცოცხლეში აუგეს.

\*\*\*

ცნობილმა ინჟინერმა **ალექსანდრე ინასარიძემ**, განვლო ძალზე რთული გზა სამშენებლო საქმიანობაში, რომ მიეღწია იმ დიდი აღიარებისთვის, რომელიც მან მოიპოვა და ძალზე ღაზათიანად ჩაიწერა საშურელ მშენებელ ინჟინერთა თანავარსკვლავედში, ცოდნასა და ენერჯიას არ ზოგავდა სამშენებლო საქმიანობის განვითარებისთვის რაიონში.




ბატონი **ალექსანდრე** დაიბადა 1915 წელს. საშურელ ემაწვილს არ ასვენებდა სურვილი სტიქიური უბედურებების მოთოკვისა და სკოლის

დამთავრებისთანავე მონახა შესაბამისი სასწავლებელი თბილისში. ჯერ დაამთავრა პიდროსამშენებლო ტექნიკუმი, ხოლო შემდეგ ჩაირიცხა მოსკოვის საინჟინრო-გეოდეზიურ ინსტიტუტში. აღნიშნული ინსტიტუტის რეორგანიზაციის გამო ბატონმა ალექსანდრემ სწავლა განაგრძო და დაამთავრა თბილისის ინდუსტრიული ინსტიტუტის საინჟინრო-სამშენებლო ფაკულტეტი. ნაყოფიერად იღვაწა სხვადასხვა სამშენებლო ორგანიზაციებში და ქალაქის აღმასკომში. იბრძოდა ფაშიზმის წინააღმდეგ სამამულო ომში მის ძლევაში მონაწილეობამდე. იგი იყო მრავალი ჯილდოს მფლობელი და რაციონალურ წინადადებათა ავტორი. შექმნა შესანიშნავი ოჯახი ქალბატონ მარიამ აფრიაშვილთან ერთად და აღზარდეს ეგზომ საამაყო შვილები - ნანა და რევაზი (ვრცლად აღნიშნულ წიგნში). ბატონი ალექსანდრე გარდაიცვალა 1994 წელს.

\*\*\*

შესანიშნავი ინჟინერ-მექანიკოსი, უდიდესი დონის პროფესიონალი-სპეციალისტი, ბატონი **გოდერძი ქიტიაშვილი**, საშურის მკვიდრი, მრავალმხრივ განათლებული და ერუდირებული პიროვნება იყო. მას ამკობდა დიდი და შესაშური ადამიანური თვისებები. თავდაუზოგავ შრომას ეწეოდა არჩეული სპეციალობით. ერკვეოდა რა თანამედროვე ტექნიკის მიღწევების ურთულეს საქმეში, თავადაც ნერგავდა სხვადასხვა სახის რაციონალური ხატორულ წინადადებებს. იგი თავგამოდებით ზრდიდა ახალგაზრდობას და

გადასცემდა თავის უბადლო ცოდნას ტექნიკის დარგში. ბედმა არ აცალა ამ ბრწყინვალე სპეციალისტს დიდხანს ემოღვაწა თავისი ხალხის საკეთილდღეოდ.



საშურზე და საშურელებზე ეგზომ შეყვარებული ადამიანი და შესანიშნავი ოჯახის პატრონი, შემოქმედებითი აყვავების პერიოდში, ენერჯით აღსავსე, 50 წლის ასაკში აღესრულა 1982 წელს. მან დატოვა დაუვიწყარი და ნათელი კვალი საზოგადოებრივ გარემოცვასა და ცხოვრებაში.

\*\*\*

უმაღლესი კლასის სპეციალისტმა-პროფესიონალმა ინჟინერ-გეოდეზისტმა **გივი სიმონის ძე შენგელიამ**, დაბადებულმა 1919 წელს, სასურველი პროფესიის მიღებისათვის გეოდეზიურ მეცნიერებაში, ლაბორინტებით ჩახლართული გზა გაიარა. ჯერ თბილისის სარკინიგზო ტექნიკუმი დაამთავრა, შემდეგ კი სურდა სწავლა საშურელი სპეციალობით გაეგრძელებინა, მაგრამ ემაწვილს სამამულო ომმა მოუხსრო. მტერს ბოლომდე მიჰყვა და მრავალ საბრძოლო ჯილდოებით მკერდდამშვენებულმა მოსკოვის გეოდეზიის, აეროაგეგმვისა და კარტოგრაფიის საინჟინრო ინსტიტუტს მიაშურა. თავდაუზოგავი სწავლით ინჟინერ-გეოდეზისტის წოდებულ დიპლომს დაეუფლა.



ბრწყინვალე სპეციალისტსა და გარეგნობით მომხიბლელ ვაჟაკს მოსკოვის სამეცნიერო საზოგადოება ხელიდან არ უშვებდა, მაგრამ სურვილმა გამარჯვება იხეიმა, - საქართველოს დაუბრუნდა და პირდაპირ სასოფლო-სამეურნეო ინსტიტუტში მიიწვიეს ლექციების საკითხავად. შესანიშნავი სახელმძღვანელოც შექმნა ამ ურთულეს მეცნიერებაში - „გეოდეზიის საფუძვლები“ და მეცნიერული რეგალიების ყველა დონეს მიაღწია.


დაღვინებული პროფესიონალი საბჭოთა კავშირის მთავრობამ მთელი ამიერკავკასიის სახელმწიფო გეოდეზიური სამსახურის უფროსად დანიშნა. იგი იყო უდიდესი საინჟინრო-გეოდეზიური სამუშაოების კოორდინატორი სომხეთში, აზერბაიჯანსა და საქართველოში. განსაკუთრებით უყვარდა საშური და მისი საზოგადოება, ცხოვრობდა სურამში, სოფელ ბუღაურაში მეუღლესთან - ქალბატონ თინათინ კურტანიძესთან ერთად. დიდი მიღწევების მქონე სპეციალისტი - მეცნიერი ერთ-ერთი უდიდესი და ურთულესი საპროექტო ინსტიტუტის დირექტორად მიიწვიეს თბილისში, სადაც დიდი წარმატებით უძღვებოდა

უდიდეს საინჟინრო-მეცნიერულ კონტივენტს.

არც ბატონ გივი შენგელიას დასცალდა ბოლომდე დაეხარჯა თავისი პრაქტიკული ცოდნა, საყვარელი ხალხის სამსახურში. მოზღვავეებული თეორიული ცოდნისა და პრაქტიკული ენერჯიის აყვავების პროცესში 54 წლის ასაკში 1973 წელს ინსტიტუტის დირექტორის პოსტზე მყოფი მოულოდნელად აღესრულა. მის საქმეს და ხსოვნას აგრძელებს მისი შესანიშნავი ოჯახი: მეუღლე-ქალბატონი თინა და შვილები ქეთევანი და დავითი.

\*\*\*

ბატონი **ალექსანდრე სამადბეგოვი** და გივი შენგელია მეგობრები იყვნენ. ალექსანდრე 1919 წელს დაიბადა სურამში, ყარაბაღის სამადბეგოვის ოჯახში და ცხოვრობდნენ ცენტრში, განათლების ქუჩაზე. მისი სურვილიც ყოფილა ინჟინერი გამხდარიყო და როგორც მი-სმა მეგობარმა გივიმ, ისევე მანაც



ჯერ თბილისის რკინიგზის ტექნიკუმი დაამთავრა, შემდეგ კი - ანალოგიურად იბრძოლა და იღვაწა სამშობლოსათვის ავის მომასწავებელ დღეებში და შემდგომ დაამთავრა მოსკოვის გეოდეზიის, აეროაგეგმვისა და კარტოგრაფიის საინჟინრო ინსტიტუტი ინჟინერ-კარტოგრაფის სპეციალობით.

მან მიაღწია უდიდეს შედეგებს კარტოგრაფიული მეცნიერების განვითარების საქმეში. შექმნა უნიკალური ნაშრომი-სახელმძღვანელო სტუდენტთათვის „კარტოგრაფიის საფუძვლები“. ამ სახელმძღვანელოს ბადალი საინჟინრო-კარტოგრაფიულ მეცნიერებაში საქართველოში არ მოიპოვება.

ბატონი ალექსანდრე თავისი სახელითა და მიღწევებით სამართლიანად დგას ისეთი ქართველი მეცნიერების გვერდით, როგორც იყვნენ აკადემიკოსები თეოფანე დავითაია და ალექსანდრე ასლანიკაშვილი.

ბატონი ალექსანდრე სამადბეგოვი კითხულობდა ლექციებს სხვადასხვა უმაღლეს სასწავლებლებში თბილისში და პერიოდულად მას მიჰყავდა ლექციები საინჟინრო კარტოგრაფიასა და გეოდეზიაში სოხუმში აფხაზეთის სახელმწიფო უნივერსიტეტში. მის სახელთან სამართლიანად არის დაკავშირებული საინჟინრო-კარტოგრაფიული მეცნიერების განვითარება საქართველოში, რომლის უშუალო ხელმძღვანელობით აიგო კარტოგრაფიული ფაბრიკის შენობა თბილისში, რომელიც ერთდერთია ამიერკავკასიაში და დიდხანს იყო მისი დირექტორი. ფაბრიკა დღესაც დიდი წარმატებით აგრძელებს მსოფლიო მასშტაბის სამუშაოებს ამ დარგში.

ბატონი ალექსანდრე გარდაიცვალა 66 წლის ასაკში 1985 წელს. ნათელი ხსოვნა მათ, რომელთაც უანგარო შრომით დადეს თავი ქართველი ხალხის საკეთილდღეოდ.

იუზა გელაშვილი



ნუ გადაყრით პოლიეთილენის ბოთლებს, ყავის, ლუდის ქილებს, ძველ გაზეთებს... მათგან საოცრებები შეიძლება დამზადდეს

-რასაც თქვენ აქ ხედავთ, ეს მხოლოდ მცირე ნაწილია ჩემი ნამუშევრების, ეს ყველაფერი საბავშვო ბაღისთვის შექმნილი და თემატური დანიშნულება აქვს. დიდი ნაწილი კი უკვე ჩემი ნათესაურების, მეგობრების საკუთრებაა. ძალიან ბედნიერი ვარ, როცა ჩემი ნახელავით ადამიანების გაბედნიერება შემიძლია- გვითხრა ლიდა ლაცაბიძემ. იგი ხაშურის №1 ბაღის მეთვლიყველია. მის განუქუბულ ნამუშევარს შემთხვევით წავაწყდით და დავინტერესდით.

ლიდა ლაცაბიძე-



-ყველაფერი ჩემი ოჯახიდან მოდის, ბებიის ქსოვდა ხალიჩებს ქართული ორნამენტებით, მამიდაც და დედაც ქსოვდნენ ოჯახისთვის ტანსაცმელს. ქსოვა პირველად მამიდამ მასწავლა, პირველ კლასში ვიყავი უკვე წინდებს ვქსოვდი, ვკარავდი, ვხატავდი. ექვსი წლისას გამოფენაც გამიკეთეს. შემდეგ უკვე სკოლაში მიწვობდნენ გამოფენებს. ამის მერე იყო შესვენების პერიოდი... უნივერსიტეტში ჩაბარების შემდეგ, გაეგარქველე მუშაობა. აღმოჩნდა, რომ მაქვს განსაკუთრებული ნიჭი, დეკორატიული ნივთების კეთების. სწავლასთან ერთად, პარალელურად ამ საქმიანობითაც ვიყავი დაკავებული.

-რაიმე განათლება თუ გაქვს ამ კუთხით მიღებული, თუ ეს ყველაფერი თვითგანათლების და ნიჭის შედეგია? -მე ახალციხიდან ვარ. გავიგე, რომ ახალციხეში

ერთ-ერთმა არასამთავრობო ორგანიზაციამ გახსნა სამიზანი კურსები, სადაც შეისწავლიდა ბისერებით ქსოვა, ქარგვა, სხვადასხვა ხელსაქმე. გაიცემოდა სერთიფიკატები. ძალიან დიდი და პრაქტიკული ცოდნა მივიღე. გაიმართა ხელნაკეთი ნამუშევრების გამოფენა, სადაც მივიღე მონაწილეობა. გამოფენას ესწრებოდნენ ამერიკელები, რომლებიც დაინტერესებული იყვნენ ჩემი ორნამენტული ხელოვნებით, ჩემმა ნამუშევარმა დიდი მოწონება დაიმსახურა. გათხოვების შემდეგ ხაშურის №1 საბავშვო ბაღში დავიწყე მუშაობა. მაქვს ოთახი ჩემი ხელსაქმისთვის, რესტავრაცია გავუკეთე ძველ ნივთებს, სათამაშოებს, საწოლებს. საბავშვო ზემოებისთვის ვაკეთებ დეკორაციებს, რომელსაც მრავალჯერადი გამოყენება აქვს.

-ძირითადად რა მასალას იყენებ? -დავიწყებ იქიდან, რომ იდეას მაძლევს მასალა, რა შეიძლება ქაღალდისგან გაკეთდეს, ძველმა გაზეთმა რა ფორმა შეიძლება მიიღოს. ვიყენებ ფერად ქაღალდებს, საღებავებს, ლაქებს, პოლიეთილენს, გამოფენებულ ქილებს, ნივარებს, ბისერებს. ყველაფერს შეიძლება გამოყენება მოუნახო. ვაკეთებ კედლის აპლიკაციებს, მისალოც ბარათებს, საყვავილებებს, სახილვეებს, ქოლგებს, ყვავილების კალათებს. გამოფენაზე მქონდა გატანილი პოლიეთილენის პარკებიდან მოქსოვილი ჩაის სერვისი, რომელმაც განსაკუთრებული მოწონება დაიმსახურა.

-როგორც მივხვდი, ეს დიდ მატერიალურ ხარჯებთან არაა დაკავშირებული...

-ნამდვილად არა, ჩემს სამუშაო მასალას მეორადი და უკვე გამოყენებული ნივთები წარმოადგენს. ეს მაგიდა, მაგალითად, ყავის კოლოფისგანაა დამზადებული. ეს ხილის ვაზა, ძველი გაზეთებისგან, მას როგორც დეკორატიული, ასევე პრაქტიკული დანიშნულება შეგვიძლია მივცეთ. პოლიეთილენის ბოთლისგან სხვადასხვა ხილს ვამზადებ. ვცდილობ, ეს ყველაფერი ნაკლებ ფინანსებთან იყოს დაკავშირებული.

-არ გიფიქრია, სასიამოვნო სასარგებლოსთან შეგეთავსებინა და ეს ყველაფერი მატერიალური შემოსავლის წყაროდაც გექცია?

-ჩემთვის ყველაზე დიდ პრობლემას დროის უქონლობა წარმოადგენს. ჩემი შვილები და სამსახური განსაკუთრებულ ყურადღებას მოითხოვენ ჩემგან. დიდი სურვილი მაქვს, გავხსნა ხელსაქმის მოყვარულთა წრე, სადაც ბავშვებს ვასწავლი და გავეზიარებ ჩემ ცოდნას. ამჟამად არ მაქვს საკმარისი რაოდენობა ნამუშევრების, რომ გამოფენა გავაკეთო, აღარც მასხოვს, ვის რა უსწავლავს. არც რეალიზაციის შესაძლებლობაა, ისევე დროის სიმცირის გამო.

-ახლა თუ აკეთებ რაიმე ორიგინალურს? -ბევრი იდეა მაქვს, დავიწყე სახლის და ეზოს გაკეთება, ორიგინალურობა სწორედ იმაშია, რომ მასალად აქაც მეორადი გამოყენების საგნებს

გამოვიყენებ. სახლს თეთრი ქაფებით ვაკეთებ, ეზოს- ნაყინის ჩხირებით, სახურავს ლუდის ქილებისგან. საკმაოდ დიდი მოცულობის იქნება და ისიც ამ ბაღში დაიდებს ბინას. იდეაში მაქვს გაზეთებისგან საბავშვო ეტილსა და ველოსიპედის გაკეთება.

-და ბოლოს, რა ბედი ეწია ბებიას ხალიჩების ქსოვის ტრადიციას, თუ აგრძელებ



მის საქმეს? -სამწუხაროდ, ხალიჩების ქსოვის ტრადიცია აღარ შემორჩა ჩვენს ოჯახს. აღარ გვაქვს დაზგა, სადაც ბებია ქსოვდა ხალიჩებს. მაგრამ ძველ



ქართულ ორნამენტებს ისევე ვიყენებ წინდებსა და სხვა ნაქსოვ ნივთებში. წარმატებები გუსურვე ლიდას და უამრავი მადლობა, იმ ესთეტიური სიამოვნების მიღებისთვის, რაც მისმა ნამუშევრებმა მოახდინა ჩემზე. ჩვენი გაზეთი მზადაა მომავალშიც შემოგთავაზოთ სასიამოვნო სიახლეები მისი შემოქმედებითი ცხოვრებიდან, მან კი თავის მხრივ საქორწილო მოსაწვევების გაკეთების პირობა მომცა.

თ. ჯავახიშვილი

საჩუქარი - ბავშვებს

ამ დღეებში, სამშაბათს, 14 საათზე, ხაშურის მუნიციპალიტეტის ბიბლიოთეკამ,



ხაშურის მუნიციპალიტეტის საკრებულოს ფრაქციის "ხაშურის აღორძინება", თავმჯდომარის ბ.ნ. პავლე ლაცაბიძის მხარდაჭერით, მოეწყო გასვლითი ღონისძიება სოფ. ცხრამუხაში. ბავშვებისთვის ნაჩვენები იყო სპექტაკლი

"სატკბილეთის ქვეყანა ირმა მალაქიძის საბავშვო პიესის მიხედვით, რომელშიც მონაწილეობდნენ ხაშურის №7 საჯარო სკოლის მოსწავლეები. სპექტაკლი მოამზადა ხაშურის მუნიციპალიტეტის ბიბლიოთეკის საბავშვო განყოფილების ღონისძიებების ორგანიზატორმა, ქალბატონმა ნონა ტფენაძემ. სპექტაკლი ერთნაირად სასიამოვნო სანახაო აღმოჩნდა, როგორც პატარებისთვის, ისე დიდებისთვის. ღამაზმა დეკორაციებმა, პატარა მსახიობების არტისტიკამა, "კარამელიას" ტკბილეულით სავსე ქვეყანამ, დევიზით "არც ერთი მტირალა ბავშვი", აღფრთოვანებაში მოიყვანა პატარა მაყურებელი. მათაც აპლოდისმენტები არ დაიშურეს პატარა მსახიობებისთვის. გადაიდეს სამახსოვრო ფოტოები და მომავალში ისევე შეხვედრის სურვილით გააციდეს თანატოლები. ღონისძიების შემდეგ, სპექტაკლის მონაწილეებმა მოილოცეს კვირაცხოვლის ტაძარი. რის შემდეგაც, ბატონმა პავლემ ტკბილეულით უმასპინძლა პატარებს.

ხაშურის მუნიციპალიტეტის ბიბლიოთეკა, ხაშურის №7 საჯარო სკოლის

მოსწავლეები და მათი მშობლები მადლობას უხდებიან ბატონ პავლეს ასეთი თნადგომისა და გულისხმიერებისათვის, რომელმაც კიდევ ერთი ღამაზი და დაუვიწყარი დღე აჩუქა ჩვენს პატარებს.



ძმეუღლე ვაჟა ძანაშვილი, შვილი ბორისი, შვილიშვილები ვაჟა და ეკა ძანაშვილები, შვილთაშვილები დავით რაზმაძე, ნინო, მარიამ ჩხეიძეები, ნიკოლოზ ძანაშვილი და ჯულიეტა ზაქარიაძე, დისშვილები ხათუნა ბლიაძე და მარიკა გელაშვილი, ემზარი და ელიკო ზაქარიაძეები იუწყებიან, რომ გარდაიცვალა ნელი ივანეს ასული ძანაშვილი



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, რედაქტორი რობერტ სუხიაშვილი. მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001. მ-ით მონიშნული სტატია იბეჭდება დაკვეთით გაზეთი გამოდის სამშაბათობით და იბეჭდება თბილისში.